



BIBLIOTHECA
UNIV. IAGELL.
CRACOVENSIS

39321

Man. St. Gr. P

ORATIO.

In laudem Sapientiæ ac Gratiarum actoria

PRO

MAGISTERO

In præsentia Magnæ Hospitum Corona dicta,

à PATRE FRATRE

MICHAELE SIEYKOWSKI,

Ecclesiæ Cathedralis Cracoviensis CONCIONATORE,

dum ad eundem Gradum promovebatur

CUM ADMODUM REVERENDO PATRE S. T. MAGISTRO

P. RAPHAELE CHYBINSKI,

REGENTE protunc Studi; Gener; Crac; per Admūdū Reverendum

ac Eximium Patrem S. Th. MAGISTRUM PRIOREM Con-

ventus Cracov; ac DEFINITOREM Capituli Generalis

P. JUSTINUM JAKIELSKI,

Annō Domini 1741. Dic 5ta Septembris. 39321

IG.



Andem jam neolaureati Contheologi dum
summum Scholastico Sacri sive Sacro-Scholastici quia
Theologici Honoris conscendimus gradum, non no-
bis, neq; gloriæ nostræ, (quā à nobis longè esse vo-
lumus,) sed Dignitatæ Eminentæ Sacræ Theologiæ
applaudimus A.S. Meretur hæc plausus & Elogia,
quæ cum sit Divinæ particula auræ, quidquid hu-
manis mentibus inspirat, id totum aliquid Divinum
spirat, in sua Encomia lingvas etiam Infantum facit esse disertas. Euphar-
miones etiam & Memnones in suos animat plausus, dumq; in suæ præstan-
tiæ admirationem animos mortalium rapit, summa de se cogitamina infra
se ponit, & suâ Excellentis minora facit.

(1)(C

Hæc est

1
Hæc est supra aurum & lapidem preciosum multò æstimabilior, cum qua collatum quidquid pretiosissimum est, tanquam arena exigua in comparatione ejus ducendum. Hæc pro luce habenda, Cujus inextinguibile lumen, hæc est bonum optimum, cum qua diligentibus se, omnia benè veniunt, & innumerabilis honestas. Hæc est infinitus Thesaurus desuper datus hominibus, quò qui uti sunt, non abusi, participes facti sunt amicitiae Dei. Loquar plura in laudè. Theologiæ verba & sensus Salomone mutuado.

Est hæc Sacra Scientia à Deo inventum propter Terrigenas ad Cælum se erigentes munus, magna Divinæ naturæ portio, in qua est Spiritus intelligentiæ Sanctus, incoliquinatus, benè faciens, vapor virtutis Dei, & emanatio quedam claritatis Omnipotentis DEI sincera, Candor lucis Æternæ, speculum sine macula Dei Majestatis, & Imago Bonitatis Illius. Hæc etiam sit una, omnia potest in se manens omnia renovat.

Hæc est speciosior Sole, & super omnem dispositionem Stellarum luci comparata invenitur prior, Illi enim succedit nox, hanc autem non vincit malitia. Hæc est Doctrix Disciplinæ Dei & Electrix operum Illius. Si Divitiæ appetuntur in vita, quid hæc locupletius? si justitiam quis diligit, hæc data est in coronam justitiæ, quam reddit Dominus justus noster.

Theologia ac Sacra Scientia diligit laborantes, cum magnas habeat virtutes, sobrietatem enim & prudentiam docet, justitiam & virtutem instillat, quibûs utilis nihil est in vita hominibus.

Hæc est sedium Divinarum alsistrix, quæ ab initio & ante sæcula ex ore Altissimi prodijt, cum eo cuncta componens, quam quicunq; receperint, data est illis potestas Filios Dei fieri. Hæc est aurum ignitum quod super laboribus & laborantibus vendunt, quod Possessores sui ita datat, ut tandem appensi in statera, non inveniantur minus habentes.

Hæc animos hominum mole carnis gravatos, à terra ad Cælum elevat, à Terrenis ad superna erigit, à caducis revocat ad æterna, æternitatem meditari & mereri docet. Hoc est vinum germinans Virgines & cor hominis lætificans, de cujus genimine inebriari, est adhuc sitire, quò incallescere, est amore Dei inflammari.

Porro condignis laudibûs & Encomijs inexplicabilis est Sacræ Theologiæ Majestas, cujus speciem & decorem cum nos adamaverimus, & illi Doctorali desponsati extiterimus annulò, non nostris id meritis adsciscimus, sed superum Superiorumquæ gratiæ.

Unde primò laudare condecet Eum; Qui non ex operibus justitiæ quæ fecimus nos, sed secundum suam misericordiam fecit nos esse DOCTORES. Profundissimam ergo Creatori nostro indignissimæ Creaturæ pro omnibus tam prævijs, quàm simultaneis, quàm concomitantibus auxilijs gratiarum actionem cum cultu Latræ, & omni nostrum etiam infra omne nihilum demissione

d-missione Tibi DEUS Ter Optime Maxime Substernimus, implorantes ut non nobis Domine, non nobis, sed Nomini Tuo des gloriam

Advolvitur tandem cum cultu Hyperdulæ ad Te & Sedes Sapientie, Illius, Qui plus est quam Salomon vera Mater Virgo Dei-Para MARIA, & Doctorales nostras Laureas plantis Tuis (quibus Infernalem contrivisti Serpentem) substernimus, sic in profundum coram Te cadentes cultum, altius & robustius in defensionem intaminati Tui honoris surrecturi.

Fatemur tandem has Theologicas frontium nostrarum Cidares, non sine favorum vestrorum auspicijs pullulasse Sancti Dei omnes Cæli Indigetes. Benigno Tuæ gratiæ operante sydere, Magne ac Sancte Pater Domine. Affluentibus lympidis Angelicæ Tuæ Doctrinæ aquis, Aquinatice Doctor THOMA Divinissime, hæ nostræ Laureæ viruere.

A Te verò Campi Poloni Flos mirifice HYACINTHE odorem honoris & honestatis attraxere. Vobis ergo & omnibus vobiscum simul Cæli Cohæredibus, atq; Angelicis Spiritibus has vireti Theologici Corymbos, cum cultu Dulæ & perenni devotarum mentium Nostrarum gratitudine litamus & dicamus.

Tandem se Honoris Theologici Eminentia, ad Fimbriam Purpuræ Cardinalitæ Antistitis Nostri Eminentissimi Pastoris inclinat, totam sui & huius Actûs licet absenti, præsentem tamen in cordibus nostris gloriam refert, Cui nos in vim gratitudinis nostræ in dedicatoria prorumpimus vota, ut in præsidium doctarum Mentium Eminentissimus honoribus, fortunatissimus successibus, incolumitate longævus, in Tutamen Patriæ, in Decus Ecclesiæ vivat quam diutissimè.

Vos quoq; Insulanda Insulataq; Capita, Pretiosæ Vavellani Triregij Gemmæ Illustrissimi Prælati veneramur, in debitam saltem (et si Vestris favoribus non condignam) Gratiarum Actionis exhibitionē perennem nostram ad quævis obsequia Vestra spondemus obligationem. Sub triplici Corona, gloria & honore coronet Vos Dominus, ut cum apparuerit Princeps Pastorum, percipiat immarcescibilem Gloriæ Coronam.

Fecunda Doctorum non minùs ac Sanctorum Virorum Mater, in qua mirabilis facta est Scientia, in qua fulgent Docti quasi splendor firmamenti, & quasi Stellæ in perpetuas æternitates. Lauriger laboriosorum pro Fide & Ecclesia Geniorum Nidus, Europeum non fucatæ scientiæ quæ inflat Licetum, inconcussum solidæ Sapientiæ asylum, floridum Arcum quarumvis Mûxum, maximum Orbis Poloni Decus, Generalis Regni Sarmatici Schola, Universitas Cracoviensis, dum huic Actui Academico Candore ornamentum & Philadelphico affectu a laudet plausum, nos Laureas Theologicas Sceptis feræ internectimus Cruci, & hunc fontem ex quo eruditionem mentium morumq; culturam hausimus, indefinentis nostræ gratitudinis herbâ coronam.

Reverendissimi Patris Nostri Generalis Magistris Sacre Theologiæ Professoris Patris Thomæ Ripoll, aureas propter Paternum erga nos indignos suos famulos amorem, Tornatiles, propter dexterrimam in peragendis Sacri Ordinis Nostri negotijs agilitatem, plenas pretiosis Magnorum in Ecclesia & Sacra Religione meritorum Hyacinthis Manus, ex quibus has Theologicas recepimus Laureas, reverentiali simulq; Filiali exosculamur affectu. Quem Dominus conservet & felicem faciat in suam Gloriam & honorem, ut Thomas abyssales participet Gratias.

Nobilissimo Magistratui Cracoviensi, pro præstito gratioso per suam præsentiam actui huic decoramento, in gratiarum actionem obligatam Nostram profitemur gratitudinem. Vos enim constituit Dominus Judices & Præsides in Civitate Regis Magni. Ergo culmen Turris Vestræ, ut celebretis Nomen Vestrum pertingat ad Cælum, fiatq; abundantia in Turribus Vestræ.

Religiosisimæ Sacrarum Familiarum Cætibz, exantlatis in Vineæ Domini Operarijs, laboriosis in Exedris Ecclesiasticis, Cathedris Scholasticis, Athletis, quod non gravatim præsentiam tuam nobis exhibuerint & Theologicarum Laurearum frondes, & Nostras frontes in gratiarum actionem inclinamus.

Tibi hoc totum debemas, quod cum honore Doctorali recipimus. Admodum Reverende ac Eximie Pater, Sacre Theologiæ Magister magne Doctrina & Sacris laboribus, non minus multiplicatis apud DEUM & apud homines meritis JUSTINE, PRIOR Dignissime, PROMOTOR nostrum Gratiissimè, scito & crede quod dum Capita Nostra Theologicis Corporasti Laureis, simul & corda in perennem obligationem obstrinxisti.

Ad vos etiam Qui estis Theologici Pars magna Senatûs, fulgentes in firmamento Ecclesiæ Stellæ, Eburneæ Domus, Sapientiæ Columnæ, Civitas supra montem polita, Flores rolarum in diebus Vernis, Lilia quæ sunt in transitu aquæ, Sal Terræ, Lumina Mundi, resurgentes in Templo Dei, Vasa aurea solida, Ornata omni lapide pretioso, Sacre Theologiæ Magistrum, mea præfiscitur Oratio, in qua integer obligationis Nostræ sensus est, sine terminante gratitudinem Nostram periodo, ut qui nos in Vestrum gratiosè adsciscitis numerum, augmentum Annorum sine decremento incolumitatis sortiamini.

Pulcherrimæ omnium Dignissimorum Hospitum Coronæ, in debitam Reverentiam tempora nostra inclinamus. Actuiq; præsentem, non gratitudini nostræ, imponimus Coronidem.



Biblioteka Jagiellońska



stdr0019800

